

**ԱՐՁԱՆԱԳՐՈՒԹՅՈՒՆ ԹԻՎ 2**  
**ԵՊՀ տնտեսագիտության և կառավարման ֆակուլտետի գիտական**  
**խորհրդի**  
**2024թ. հոկտեմբերի 3-ի նիստի**

Խորհրդի 32 անդամներից նիստին ներկա էին 23-ը: Նախագահում էր խորհրդի նախագահ ղեկան, տ.գ.թ., դոցենտ Կ.Խաչատրյանը, քարտուղարում՝ խորհրդի քարտուղար տ.գ.թ., դոցենտ Հ.Սարգսյանը: Քվորումը ստուգելուց հետո խորհրդի նախագահը քվեարկության դրեց օրակարգը, որը միաձայն հաստատելուց հետո խորհուրդն անցավ օրակարգային հարցերի քննարկմանը (օրակարգը կցվում է):

**ՕՐԱԿԱՐԳ**

1. Հայցորդի ատեստավորում
2. ՀՀ ԲԿԳԿ-ի կողմից ֆինանսավորվող դրամաշնորհի ամփոփիչ հաշվետվության ընդունում
3. Լավագույն ուսանող մրցույթին մասնակցության երաշխավորության մասին
4. Ընթացիկ հարցեր

**1. ԼՍԵՑԻՆ.** ԵՊՀ Տնտեսագիտության մեջ մաթեմատիկական մոդելավորման ամբիոնի հայցորդ Ռաֆիկ Գագիկի Մաշուրյանի ատեստավորման մասին հարցը:

**1. ԱՐՏԱՀԱՅՏՎԵՑԻՆ.**

**1.** Տնտեսագիտության մեջ մաթեմատիկական մոդելավորման ամբիոնի հայցորդի ատեստավորման միջնորդությունը ներկայացրեց ամբիոնի վարիչ, տ.գ.թ., դոցենտ Ա.Խառատյանը՝ նշելով, որ ամբիոնի երկրորդ տարվա հայցորդ Ռաֆիկ Գագիկի Մաշուրյանի «Կազմակերպությունների խմբի ֆինանսական և գործառնական կառավարման մոդելավորման հիմնախնդիրները» թեմայով (ղեկավար տեխ.գ.դ., պրոֆեսոր Ա.Հ. Առաքելյան) ատենախոսության 1-ին և 2-րդ գլուխների վերաբերյալ կատարվել է գրականության ուսումնասիրում և նյութերի հավաքագրում: Մասնակցել է օտար լեզվի դասընթացին և հավաքել համապատասխան կրեդիտները: Որպես պրակտիկա «Արմհոլդինգ» ՓԲԸ-ում զբաղվել է ֆինանսական և գործառնական կառավարմամբ: Տպագրվել է 2 հոդված, ևս 1-ը գտնվում է տպագրման փուլում:

**2.** Հարցեր հնչեցրեցին տ.գ.դ., պրոֆեսոր Գ.Վարդանյանը, տ.գ.թ., դոցենտ Կ.Խաչատրյանը:

Հարցադրումներն առնչվում էին գրականության ուսումնասիրման և նյութերի հավաքագրման աշխատանքներին, նաև գիտական հանդեսներին, որտեղ տպագրվել են հայցորդի հոդվածները:

3. Հայցորդ Ռ.Մաշուրյանը հարցադրումներին հակիրճ պատասխանելով նշեց, որ գրականության ուսումնասիրման և նյութերի հավաքագրման աշխատանքների մասով վերլուծությունը շարունակվում է, իսկ հոդվածները տպագրվել են միջազգային գիտաժողովների մասնակցության հիման վրա:

4. Տ.գ.դ., պրոֆեսոր Գ.Վարդանյանը, տ.գ.թ., դոցենտ Կ.Խաչատրյանը մատնանշեցին, որ Տնտեսագիտության մեջ մաթեմատիկական մոդելավորման ամբիոնի հայցորդը հաշվետու տարվա պլանով նախատեսված աշխատանքները կատարել է պահանջվող որակով և ծավալով, ինչը բավարար է ատեստավորման համար:

5. Դեկան, տ.գ.թ., դոցենտ Կ.Խաչատրյանը առաջարկեց Տնտեսագիտության մեջ մաթեմատիկական մոդելավորման ամբիոնի վարիչ, տ.գ.թ., դոցենտ Ա.Խառատյանի միջնորդությունը այս հարցի կապակցությամբ դնել քվեարկության:

**1. ՈՐՈՇԵՑԻՆ.** Հիմք ընդունելով Տնտեսագիտության մեջ մաթեմատիկական մոդելավորման 01.10.2024թ. թիվ 3 նիստի որոշումը, հաշվի առնելով հաշվետու ժամանակահատվածում Ռաֆիկ Մաշուրյանի կատարած աշխատանքը և խորհրդի նիստում արտահայտված կարծիքները՝ 2-րդ տարվա հայցորդ Ռաֆիկ Գագիկի Մաշուրյանի կատարած աշխատանքը համարել բավարար և ատեստավորել:

Տնտեսագիտության մեջ մաթեմատիկական մոդելավորման ամբիոնի հայցորդ Ռաֆիկ Գագիկի Մաշուրյանն ատեստավորվեց՝ միաձայն քվեարկությամբ:

**2. ԼՍԵՑԻՆ.** 21T-5B193 ծածկագրով «Բուհ-կազմակերպություն համագործակցության զարգացման խնդիրները և լուծման ուղիները ՀՀ-ում» գիտական թեմայի (գիտական ղեկավար՝ տ.գ.թ., դոցենտ Կառլեն Գագիկի Խաչատրյան) 2023-24թթ. հաշվետվության մասին հարցը:

## **2. ԱՐՏԱՀԱՅՏՎԵՑԻՆ.**

1. Գիտական թեմայի ղեկավար տ.գ.թ., դոցենտ Կ.Խաչատրյանը հանդես եկավ գեկուցմամբ: Տարեկան հաշվետվությամբ ներկայացրեց կատարված ուսումնասիրությունները՝ ըստ 2023-2024թթ. նախատեսված ժամանակացույցի: Նշեց, որ ՀՀ պետական և մասնավոր կազմակերպությունների փորձառության և գործելակերպի ուսումնասիրության հիման վրա կատարված հետազոտությունների արդյունքներն ամփոփվել են Scopus ինդեքսավորված միջազգային գիտական պարբերականում և կոլեկտիվ մենագրությունում: Հավելեց, որ 2021-2024թթ. գիտական թեմայի շրջանակում կատարված աշխատանքների հիման վրա հրատարակվել է 6 գիտական հոդված՝ որից 2-ը Scopus-ում, մնացած 4 հոդվածներից 1 հրատարակվել է Իտալիայում: Ամփոփելով ընդգծեց, որ գիտական թեմայի շրջանակում աշխատանքները կատարվել են ըստ ժամանակացույցի՝ ներկայացված օրացույցային պլանի համաձայն և առաջարկեց գնահատել կատարված աշխատանքը:

2. Հարց հնչեցրեց տ.գ.դ., պրոֆեսոր Գ.Վարդանյանը:

Հարցադրումն առնչվում էր, թե որքանով են դրամաշնորհի հետազոտությունների արդյունքները ներառվել որպես պատվիրատու ՀՀ ԿԳՄՄՆ փաստաթղթերի մշակումներում:

**3.** Դեկան, տ.գ.թ., դոցենտ Կ.Խաչատրյանը նախ հակիրճ պատասխանեց հարցադրմանը՝ նշելով, որ պահանջվող կարգի համաձայն տարեկան հաշվետվությունները միշտ ուղարկվել են ՀՀ Բարձրագույն կրթության և գիտության կոմիտե, սակայն հստակ առաջարկությամբ հանդես չեն եկել, հետո առաջարկեց գիտական թեմայի կատարման արդյունքները գնահատել քվեարկությամբ:

**2. ՈՐՈՇԵՑԻՆ.** Հավանություն տալ «Բուհ-կազմակերպություն համագործակցության զարգացման խնդիրները և լուծման ուղիները ՀՀ-ում» թեմայի կատարման արդյունքներին և գնահատել դրական (հաշվետվությունը կցվում է):

Գիտական թեմայի կատարման արդյունքները գնահատվեցին դրական՝ միաձայն քվեարկությամբ:

**3. ԼՍԵՑԻՆ.** ԵՊՀ տնտեսագիտության և կառավարման ֆակուլտետի բակալավրիատի «Ֆինանսներ» կրթական ծրագրի չորրորդ կուրսի ուսանող Վահե Չավենի Ասատրյանի մասնակցությունը ՀՀ Կրթության, գիտության, մշակույթի և սպորտի նախարարության հայտարարած «ՀՀ բարձրագույն մասնագիտական կրթական ծրագրեր իրականացնող ուսումնական հաստատությունների լավագույն առաջադիմությամբ ուսանողների անվանական կրթաթոշակների տրամադրման» մրցույթին երաշխավորելու հարցը:

### **3. ԱՐՏԱՀԱՅՏՎԵՑԻՆ.**

**1.** Դեկան, տ.գ.թ., դոցենտ Կ.Խաչատրյանը, տ.գ.թ., դոցենտ Հ.Մարգարյանը նշեցին, որ Վահե Ասատրյանը ուսումնառության ընթացքում ցուցաբերել է գերազանց առաջադիմություն, վերլուծական կարողություններ, ակտիվորեն մասնակցել է ֆակուլտետի գիտական միջոցառումներին, կոնֆերանսներին: Հավելեցին նաև, որ Վ.Ասատրյանը հաղթել է «ԵՊՀ լավագույն ուսանող-2024» մրցույթում:

**2.** Դեկան, տ.գ.թ., դոցենտ Կ.Խաչատրյանը առաջարկեց Վ.Ասատրյանի մասնակցությունը մրցույթին երաշխավորելու հարցը դնել քվեարկության:

**3. ՈՐՈՇԵՑԻՆ.** ԵՊՀ տնտեսագիտության և կառավարման ֆակուլտետի բակալավրիատի «Ֆինանսներ» կրթական ծրագրի չորրորդ կուրսի ուսանող Վահե Չավենի Ասատրյանին երաշխավորել ՀՀ Կրթության, գիտության, մշակույթի և սպորտի նախարարության հայտարարած «ՀՀ բարձրագույն մասնագիտական կրթական ծրագրեր իրականացնող ուսումնական հաստատությունների լավագույն առաջադիմությամբ ուսանողների անվանական կրթաթոշակների տրամադրման» մրցույթին մասնակցելու համար:

«Լավագույն ուսանող» մրցույթին Վահե Ասատրյանի մասնակցության երաշխավորությունն ընդունվեց՝ միաձայն քվեարկությամբ:

#### 4. Ընթացիկ հարցեր

**4.1 ԼՍԵՑԻՆ.** Ֆակուլտետի ենթակառուցվածքների բարելավման վերաբերյալ հարցը:

##### 4.1 ԱՐՏԱՀԱՅՏՎԵՑԻՆ.

1. Ֆինանսահաշվային ամբիոնի վարիչի պաշտոնակատար, տ.գ.թ. Գ.Սահակյանը նշեց, որ Ֆակուլտետի լսարանները խելացի գրատախտակներով կահավորելը տեխնիկապես մեծ հնարվորություններ է ստեղծել դասավանդման գործընթացի արդյունավետության բարձրացման տեսանկյունից, սակայն խնդիրներ են առաջացել լսարանում առողջության պահպանման տեսանկյունից՝ կապված գրատախտակի և նստարանների օպտիմալ հեռավորության հետ: Առաջարկեց խնդրի լուծման տարբերակներ գտնել:

2. Տ.գ.թ., ասիստենտ Կ.Սահակյանը բարձրաձայնեց խնդիրներ, որոնք առնչվում էին շենքում գործող բուժետի աշխատանքներին և առաջարկեց խնդրի լուծման տարբերակներ գտնել:

3. Տ.գ.դ., պրոֆեսոր Գ.Վարդանյանը բարձրաձայնեց խնդիրներ, որոնք առնչվում էին լսարանների մուտքին և ելքին՝ շեշտադրելով անհրաժեշտության դեպքում տարհանման հնարավոր անհարմարությունները և առաջարկեց խնդրի լուծման տարբերակներ գտնել:

4. Դեկան, տ.գ.թ., դոցենտ Կ.Խաչատրյանը նշեց, որ համակարծիք է բարձրացված խնդիրների հետ: Ֆակուլտետի ենթակառուցվածքների բարելավման նպատակով առաջարկեց նախ ստեղծել աշխատանքային խումբ հետևյալ կազմով՝ տ.գ.թ., ասիստենտ Գ.Սահակյան, տ.գ.թ., ասիստենտ Կ.Սահակյան, տ.գ.դ., պրոֆեսոր Գ.Վարդանյան, հանձնարարեց աշխատանքային խմբին ուսումնասիրել և վերհանել Ֆակուլտետի ենթակառուցվածքներին առնչվող և հրատապ լուծում պահանջող խնդիրները, հետո քննարկվող հարցը դրեց քվեարկության:

**4.1 ՈՐՈՇԵՑԻՆ.** Հաստատել Ֆակուլտետի ենթակառուցվածքների բարելավման նպատակով աշխատանքային խումբ ստեղծելու առաջարկը և խմբին տրված դեկանի հանձնարարականը:

Ֆակուլտետի ենթակառուցվածքների բարելավման նպատակով աշխատանքային խմբի ձևավորման և առաջիկա հանձնարարության կատարման որոշումն ընդունվեց՝ միաձայն քվեարկությամբ:

**ԵՊՀ ՏԿՖ ԳԻՏԱԿԱՆ ԽՈՐՀՐԴԻ ՆԱԽԱԳԱՀ՝**

**Կ. ԽԱՉԱՏՐՅԱՆ**

**ԵՊՀ ՏԿՖ ԳԻՏԱԿԱՆ ԽՈՐՀՐԴԻ ՔԱՐՏՈՒՂԱՐ՝**

**Հ. ՄԱՐԳԱՐՅԱՆ**